

陳州府志目錄

卷首

序

凡例

目錄

圖經

卷之一

沿革

有表

卷之二

星野

有圖

卷之三

疆域

卷之四

山川 附河渠津梁

卷之五

建置

城池  
郵政

廨署

倉廩

坊巷

集鎮

通舖

卷之六

學校

附名宦諸祠

卷之七

聖蹟

附書院義學

卷之八

聖蹟

卷之九

祀典

卷之十

古蹟

附陵墓寺廟

卷之十一

風俗

附物產

卷之十二

賦役

卷之十三

職官

卷之十四

名宦

卷之十五

武備

卷之十六

選舉

卷之十七

人物

上

卷之十八

人物

下

卷之十九

忠義孝弟

卷之二十

流寓

隱逸

方伎

卷之二十一

列女

卷之二十二

列女

下

卷之二十三

仙釋

卷之二十四

藝文

一

詔勅

表奏

告文

虞書

序引

卷之二十五

藝文

二

記

卷之二十六

藝文

三

記

卷之二十七

藝文

四

贊頌銘

傳

論辨

疏引

題跋

四六

祭文

墓誌

賦

卷之二十八

藝文

五

詩

卷之二十九

藝文六 詩

卷之三十

雜志

祥異

兵變

外傳

幽異

蘇州府志卷之六

楚鄂崔應階吉升氏纂修

學校

學校之設由來尚矣其所以垂永久而不替者良以爲往聖續絕業爲千古明倫紀爲國家儲人材典綦重也漢以來詔天下學官崇祀

先師孔子自六朝以迄有明陳之文廟雖極兵燹罔敢毀者此亦幾希之人心所由不泯者歟延及

本朝廟貌愈新而典禮愈渥萬世師表之稱五代褒封之典其尊崇也至矣官斯土者敢不敬歎志學校



陳州府儒學始於宋熙寧八年知州事陳襄創建元末兵燹惟文廟獨存明景泰元年知州唐銓鼎新大成殿及兩廡戟門萬宣造明倫堂齋號學制粗備成化六年知州戴斯立櫺星門塑聖賢像別製木牌書諸爵諡自正殿及戟門廊廡皆繪以金碧餘俱飾以丹堊書房號舍倉庫庖湏煥然具備功將就緒而用猶未敷忽土中獲金二斤以完弘治間知州倪濬自思義繼修嘉靖中知州葉淳建尊經閣王大經詔建啓聖祠易像以木主沈應元建敬一亭萬曆中知州洪蒸夏相虞羅彬兵憲翟師雍署州事均文成

修建明季毀於寇止存大殿

國朝順治七年兵憲孫建宗督教官張化鵬重修十五年  
兵備道于朋舉知州王宏仁重修康熙四十年教諭  
梁維極擴修照壁又增修花牆週圍泮池規模宏敞  
雍正十二年改府設縣學宮仍舊乾隆元年知府銓  
山視學見殿廡墻垣漸就傾圮率知縣潘廷偉教官  
賀纘及闔郡紳士捐金重修

文廟在府治南縣治西中大成殿九間殿後崇聖宮三  
間舊有敬一亭廢殿右崇聖門一座殿前東西廡各  
九間庫房在內戟門三間左右角門二座東角門外

爲名宦祠西角門外爲鄉賢祠各三間忠義祠三間

在鄉賢祠後雍正六年奉文學宮內建忠林貽熊承建再前櫺

星門三楹外爲泮池左右有義路禮門二座前有照

壁週以花牆右爲明倫堂五間儀門三間頭門三間

府學教授宅在明倫堂西縣學訓導宅在明倫堂東

文昌閣在文廟義路門外魁星樓明時南城東隅原有魁樓壬午焚燬康熙

二十年知州蕭國弼與紳士捐資學正吳極節孝祠

吏目張志遂督修之層臺重宇頓復舊觀

在南門街路西東向祠三間門三間舉人劉發貢生高華等捐

康熙二十三年癸

御書萬世師表扁額奉懸大成殿各縣同

雍正三年頒

御書生民未有扁額奉懸大成殿各縣同

乾隆三年頒

御書與天地參扁額奉懸大成殿各縣同

康熙三十三年

御書先師孔子贊及四賢贊刊碑立大成殿屬縣俱依式

刊立

至聖先師孔子贊

并序

蓋自三才建而天地不居其功一中傳而聖人代宣其  
蘊有行道之聖得位以綏猷有明道之聖立言以垂憲

此正學所以常明人心所以不泯也粵稽往緒仰邇前  
徽堯舜禹湯文武遠而在上兼君師之寄行道之聖人  
也孔子不得位窮而在下秉刪述之權明道之聖人也  
行道者勲業炳於一朝明道者教思周於百世堯舜文  
武之後不有孔子則學術紛淆仁義湮塞斯道之失傳  
也久矣後之人而欲採二帝三王之心法以爲治國平  
天下之準其奚所取衷焉然則孔子爲萬古一人也審  
矣朕巡省東國謁祀闕里景企滋深敬摛筆而爲之贊

曰

清濁有氣剛柔有質聖人參之人極以立行著習察會

道莫由惟皇建極惟仁綏猷作君作師垂統萬古曰惟  
堯舜禹湯文武五百餘歲至聖挺生聲金振玉集厥大  
成序書刪詩定禮正樂旣窮象繫亦嚴筆削上紹往緒  
下示來型道不終晦杌然六經百家紛紜殊途異趣日  
月無踰羹墻可晤孔丁之道惟中與庸此心此理千聖  
所同孔子之德仁義中正秉彝之好根本天性庶幾夙  
夜勗哉令圖遡源洙泗景躅唐虞載歷庭除式觀禮器  
摘毫仰贊心焉遐企日世而上以聖爲歸百世而下以  
聖爲師非師夫子惟師於道統天御世惟道爲寶泰山  
巖巖東海泱泱牆高禹俛夫子之堂孰窺其藩孰窺其

徑道不遠人克念作聖

康熙二十五年七月初四日

顏子贊

聖道早聞天資獨粹約禮博文不遷不貳一善服膺萬  
德來萃能化而齊其樂一致禮樂四代治法兼備用行  
舍藏王佐之器

曾子贊

涿泗之傳以魯得之一貫曰唯聖學在茲明德新民止  
善爲期格致誠正均平以推至德要道百行所基纂承  
既緒修明訓詞

子思子贊

於穆天命道之大原靜養動察庸德庸言以育萬物以  
贊乾坤九經三重大法是存篤恭慎獨成德之門卷之  
藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知  
言養氣道稱堯舜學屏功利煌煌七篇並垂六藝孔學  
攸傳禹功作配

乾隆九年部頒祭文

崇聖祠祭文



維年月日某官某致祭於

肇聖王

裕聖王

詒聖王

昌聖王

啓聖王曰惟

王奕葉鍾祥光開聖緒盛德之後積久彌昌凡聲教所覃  
敷率循源而溯本宜肅明禋之典用伸守土之忱茲

屈仲

春秋

聿修祀事配以

先賢顏氏

先賢曾氏

先賢孔氏

先賢孟氏尚饗

先師廟祭文

維年月日某官某致祭於

至聖先師孔子曰惟

先師德隆千聖道冠百王揭日月以常行自生民所未有  
屬文教冒明之會正禮和樂節之時辟雍鐘鼓咸恪  
薦於馨香泮水膠庠益致嚴於籩豆茲當春秋仲祇率  
奏章肅展微忱聿將祀典以

復聖顏子 宗聖曾子 述聖子思子 亞聖孟子配

尚饗

乾隆八年部頒樂章

卷之六  
春季樂章夾鐘爲宮倍應鐘起調秋季樂章南呂

爲宮仲呂起調

樂章同  
調別

迎神 咸平

夫哉孔子先覺先知與天地參萬世之師祥徵麟紱  
韻答金絲日月旣揭乾坤清衷

初獻 寧平

予懷明德玉振金聲生民未有展也大成俎豆千古  
春秋上丁清酒旣載其香始升

亞獻 安平

式禮莫愆升堂再獻響協鼗鏞誠孚罍獻肅肅雍雍

譽髦斯彥禮陶樂淑相觀而善

終獻

景平

自古在昔先民有作皮弁祭菜於論思樂惟天牖民  
惟聖時若羹倫攸斂至今木鐸

徹饌

咸平

先師有言祭則受福四海黷宮疇敢不肅禮成告徹  
毋䟽毋瀆樂所自生中原有菽

送神

咸平

鳧釋我洩泗洋洋景行行止流澤無疆  
祀事孔明化我蒸民育我膠庠

祭器

乾隆六年奉

文製造祭樂等器頒發

銅爵

三十

白磁爵

三十

錫酒樽

一

尊

八

牲俎

二十九

登

一

鉶

十一

簠

三十

簠

三十

簠

一百二

錫豆

二百四

帛篚

二十

洗

奠池

毛血碟

二

香盒

二

祝板

龍勺

木盤

五十

福爵

一

胙盤

錫香爐

十一

錫燭臺

十一

錫花瓶

十一

高燈

二十

懸燈

十

燎叉

一

燎鉞

一

燔爐

一

樂器

旌節

一對

麾

一兩

金鐘

十六

玉磬

十六

搏拊

二面

祝

一

歌

一

塤

二件

篪

二管

琴

二張

瑟

二張

笙

二攢

簫

二枝

排簫

二枝

笛

二枝

羽

三十根

籥

三十根

祭品

形鹽

藁魚

棗

栗

榛

菱

芡

鹿脯

白餅

黑餅

糗餌

粉餐

以上  
總實

韭菹

菁菹

芹菹

笋菹

鹿醢

醢醢

兎醢

魚醢

豚胎

脾

肝

鮓食

糝食

以上豆實

黍

稷

以上籩實

稻

梁

以上籩實

太羹

登實

菜羹

餗實

文廟祀考

木主位序易紊名稱易訛今依闕里志泮宮禮樂疏

孔門弟子傳畧文廟崇祀攷聖廟崇祀圖大清會典

互訂以備正其位序稽其姓字里居焉內先後奉

旨升列十哲者一人有子

乾隆三年

配享十哲之次一人朱子

康熙五十四年

兩廡增從祀一人范仲淹

康熙五十四年

復祀者六

人林放蘧瑗秦冉顏何鄭康成范甯又增從祀二十

人縣匱牧皮樂正克公都子萬章公孫丑諸葛亮尹

焯魏了翁黃幹陳淳何基王栢趙復金履祥許謙陳

澔羅欽順蔡清陸龍其

雍正二年

復祀一人吳澄

乾隆三年

改

啟聖祠爲崇聖祠加封王爵

雍正三年

增從祀一人張廸

雍正二年

正祀

至聖先師孔子

四配

復聖顏子

魯曲阜人

述聖子思子



宗聖曾子

魯南武城人  
卽今嘉祥

亞聖孟子

鄒縣人

十哲

先賢閔子

魯人

先賢端木子

衛人

先賢冉子

字仲弓  
魯人

先賢宰子

曲阜人

先賢顓孫子

陳州人

先賢仲子

魯之卞人  
今泗水

先賢卜子

衛人又云  
温縣人

先賢冉子

字伯牛魯  
鄆城人

先賢冉子

字子有  
魯人

先賢言子

吳人

先賢有子

魯人

先賢朱子

東廡

先賢蘧瑗

字伯玉  
衛大夫

先賢澹臺滅明

字子羽  
武城人

先賢原憲

字子思一字子憲魯人

先賢南宮适

字子容魯人

先賢商瞿

字子木魯人

先賢漆雕開

字子若蔡人

先賢司馬耕

字子牛宋人

先賢有若

今升十哲之列

先賢巫馬施

字子期楚人

先賢顏幸

字子柳魯人

先賢曹卹

字子循蔡人

先賢公孫龍

字子石楚人

先賢秦商

字子丕楚人

先賢顏高

字子驕魯人

先賢壤駟赤

字子赤秦人

先賢石作蜀

字子明成紀人

先賢公夏首

字子乘魯人

先賢后處

字子里齊人

先賢奚容蒧

字子哲魯人

先賢顏祖

字子襄魯人

先賢句井疆

字子野衛人

先賢秦祖

字子南秦人

先賢縣成

字子祺  
魯人

先賢公祖句茲

字子之  
魯人

先賢燕伋

字子思  
秦人

先賢樂欬

字子聲  
魯人

先賢狄黑

字皙之  
衛人

先賢孔忠

字子茂至聖  
兄孟皮子

先賢公西蒧

字子尚  
魯人

先賢顏之僕

字子叔  
魯人

先賢施之常

字子恒  
魯人

先賢申枨

字子周  
魯人

先賢左邱明

中都  
人

先賢秦冉

字開  
蔡人

先賢牧皮

先賢公都子

先賢公孫丑

雍正二  
年升祀

先賢張載

字子厚  
大梁人

先賢程頤

先賢公羊高

齊人

先儒孔安國

字子國  
魯人

先儒毛萇

字點一字  
長公趙人

先儒高堂生

字伯漢  
魯人

先儒鄭康成

諱元高  
密人

先儒諸葛亮

字孔明  
瑯陽郡人

先儒王通

字仲淹  
太原人  
後家河汾

先儒司馬光

字君實  
陝州夏縣人

先儒歐陽修

字永叔  
廬陵人

先儒胡安國

字康侯  
崇安人

先儒尹焞

字彥明  
巴洛人

先儒呂祖謙

字伯恭  
婺州人

先儒蔡沈

字仲默  
建陽人

先儒陸九淵

字子靜  
金谿人

先儒陳淳

字安卿  
龍溪人

先儒魏了翁

字華父  
浦江人

先儒王栻

字會之  
金華人

先儒許衡

字仲平  
河內人

先儒許謙

字益之  
京兆人

先儒吳澄

先儒王守仁

字伯安  
餘姚人

先儒薛瑄

字德溫  
河津人

先儒羅欽順

字允升  
泰和人

先儒陸隴其

字稼書  
華亭人

西廡

先賢林放

魯人

先賢宓不齊

字子賤  
曲阜人

先賢公冶長

字子長  
魯人

先賢公哲哀

字季沉  
濟南人

先賢高柴

字子羔  
衛人

先賢樊須

字子遲  
兗州人

先賢商澤

字子秀  
兗州人

先賢梁鱣

字子魚  
齊人

先賢冉孺

字子魯  
兗州人

先賢伯虔

字子析  
兗州人

先賢冉季

字子產  
兗州人

先賢漆雕徒

字子有  
兗州人

先賢漆雕哆

字子斂  
兗州人

先賢公西赤

字子華  
曲阜人

先賢任不齊

字子與  
荊州人

先賢公良孺

字子正  
陳州人

先賢公肩定

字子中  
兗州人

先賢鄒單

字子家  
聊城人

先賢罕父黑

字子黑  
兗州人

先賢榮旗

字子旗  
兗州人

先賢左人郢

字子行  
兗州人

先賢鄭國

字子徒  
魯人

先賢原亢

字子籍  
兗州人

先賢廉潔

字子遭  
衛人

先賢叔仲會

字子期  
兗州人

先賢公西與如

字子上  
兗州人

先賢邾選

字子欵  
兗州人  
或作邾選

先賢陳亢

字子禽  
陳州人

先賢琴張

字子開  
衛人

先賢步叔乘

字子車  
青州人

先賢秦非

字子之  
魯人

先賢顏噲

字子升  
魯人

先賢顏何

字冉

先賢縣亶

字子象

先賢樂正克

字正子  
齊人

先賢萬章

字子  
門人

先賢周敦頤 字茂叔道州道縣人

先賢程顥 字伯淳

先賢邵雍 字堯夫范陽人

先儒穀梁赤 字子赤魯人

先儒伏勝 字子賤濟南人

先儒后蒼 字近君東海人

先儒董仲舒 廣川人

先儒杜子春 字時元緱氏人

先儒范甯 字武子

先儒韓愈 字退之南陽人

先儒范仲淹 字希文邠州人

先儒胡瑗 字翼之泰州人

先儒楊時 字中立將樂人

先儒羅從彥 字仲素韶州人

先儒李侗 字愿中劍浦人

先儒張栻 字敬夫綿竹人

先儒黃幹 字真卿閩縣人

先儒真德秀 字景元浦城人

先儒何基 字子恭金華人

先儒趙復 字仁甫德安人

先儒金履祥

字吉父  
蘭溪人

先儒陳澹

字可大  
都昌人

先儒陳獻章

字公甫  
新會人

先儒胡居仁

字叔心  
餘干人

先儒蔡清

字介夫  
晉江人

崇聖祠正祀

肇聖王

木金父至  
聖五世祖

裕聖王

禘父公至  
聖高祖

詒聖王

防叔公至  
聖曾祖

昌聖王

伯夏公  
至聖祖

啟聖王

叔梁公紇  
至聖父

四配

先賢顏氏

顏淵父

先賢孔氏

孔伋父

先賢曾氏

曾參父

先賢孟孫氏

孟軻父



從祀兩廡

先儒程氏伯溫

諱珦字伯溫程顥程頤父

先儒蔡氏季通

諱元定字季通世稱西山先生諡文節蔡沆父

先儒朱氏喬年

諱松字喬年諡靖獻朱熹父

先儒周氏輔成

諱輔成字周敦頤父

先儒張氏

諱迪字張載父

書籍

縣學洞

周易折中

書經傳說

詩經傳說

春秋傳說

性理精義

通鑑綱目

以上各二部

禮記 一部

孝經易知 六部

欽定四書文 一部

大清律例 一部

四書 一部

史記 一部

小學 一部

學政全書 一部

學田地貳頃玖畝柒分在巴家集北段家寨

准寧良里行糧地伍拾叁畝每年納糧銀貳兩伍錢

捌分耗銀在外戶名劉學

鹿邑縣行糧上地拾壹畝下地壹頃肆拾柒畝貳分

捌釐壹毫伍絲每年提糧銀陸兩壹錢肆分陸毫耗

銀在外戶名劉叢

佃人課種每畝徵銀捌分自雍正五年教諭張訓導  
慶每畝徵銀壹錢除完納鹿鹿兩邑糧銀外餘爲月  
課季考諸生卷餽之費佃戶共二十家每十家共種  
學田地壹頃零肆畝捌分佃釐每年納銀拾兩零肆  
錢捌分伍釐兩學分差徵催

學租地玖拾叁畝在大朱家下庭西止解學租無糧  
銀

佃人課種每畝納銀貳錢係玖伍陸色共納銀拾捌  
兩陸錢解上紋銀拾肆兩整餘銀肆兩陸錢爲傾銷  
火耗加色兌解等費

社學在城北大關街東明萬歷二十三年義民王綱建  
房三楹羣房五楹乙卯兵憲翟師雍復於東西南關  
各立社學聚民間子肄業其中命生員各一人教之  
每生歲給穀二十四石其在北關者有綱施義田一  
頃二十畝種以自給焉其社師須擇諸生貧而學行  
俱優者不得濫及

國朝順治八年睢陳道孫出示勸諭弟子願讀者俱赴社  
學捐俸延諸生趙如鉞爲塾師兵火之後聞絃誦十  
年知州高民望復設義學於馬神廟康熙十二年知  
州孫芳以銀一百六十二兩二錢買梁允成等額內

行糧民田六頃一十八畝九分九釐六毫除納正賦  
外餘資爲修理學舍及塾師膏火之費二十七每學  
官苗作梅鄧湛申詳立社學於鄉賢祠

陳州儒學明倫堂碑記

兵憲

于朋舉

順治丙申歲清和月不佞奉

簡書備兵太昊之墟每朔望謁奠

先師見碎瓦頽垣廟貌非故蓋自變亂以來兵燹流毒惟

汴豫受之最慘遂至講堂誦舍以及博士退食之所

風雨割其隅霜露降于席博士師弟子鞠於草莽而

不能時授受周覽基址愀然動懷是余責也夫乃進

州守及廣文諸子衿相與謀曰國之榮昌在人才人  
才育於學校爲國宜勞宜無急於此者學校之不修  
有司者之責也僉曰唯唯卒以帑藏匱絀人力奔波  
爲辭且比材鳩工荒瘠之區未易卒辦不佞以觀成  
易慮始難築舍之議其何能就乃計終歲俸之所入  
而悉出之其時文武僚屬暨學博紳衿靡不踴躍輸  
輟以共襄此舉州守有營建慨然引爲已任悉搆成  
材戒日舉事募力併作期月間缺者稍完傾者稍起  
圯墁者稍飾峻整輝煌還舊規樽壘籩豆之屬亦稍  
稍修飾乃釋芹泮刑少牢落成於明倫之堂而堂廡

猶未建也尊經閣僅存遺址也二學博未有容膝處  
然今日規模初建羣弟子僉屬不佞願有言以記其  
實弗能辭夫學術者人材之所由成用心內外之判  
實人材盛衰之機孔子曰古之學者爲己今之學者  
爲人今時人士用心異於古耳其學固不異也世風  
日下士習日靡豈特用心之異而已耶或以詞章或  
以記誦或以書數或以權謀甚則竊佛老之似以亂  
周孔之真蓋併其所謂學者異矣如是欲人才之古  
若何可得哉此任世道之責者所以每爲之太息也  
古之學者將以明善復初以自治其身身修而國求

之以爲用非以爲利祿謀也是故十五入大學四十  
始仕凡學之十五年之前而用之二十五之後當  
其用也專志於身心性命之間真能充其才以復其  
初故其事業光明俊偉有以參天地而贊化育譬之  
播種於夏而收穫於秋乃其必然之應無足異也後  
之君子其學旣與古不同而所以責成於學者其功  
甚疎而其心甚急又非古人深造自得之意籍曰資  
質與古人同而所以從事於學者亦能與古人同乎  
然則後世人才之不古若非其才之罪也我

國家稽古建學凡所以教人者一惟古聖相傳周公孔子



之道程周張朱之言朝夕誦法蓋其所望於天下後世之士意深遠已然則一洗俗學之陋更張而振作之非吾儕之責而誰也自此以往長斯土者願以古道相勗示人以實不以文率人以德不以法聖賢爲學之成法具存安知無豪傑振古之才復見於今日乎此亦區區之所望也今之丕新學宮豈特宮牆壯麗以博觀美已哉不佞當拭目以俟其後是役也費不及帑力不及民勤飭董作力贊于成則州守暨諸僚屬之力居多焉若果相繼修葺無使完者復缺起者復傾整飭者歸於圯場且堂廡之遞建也尊經

之復新也二學博之廣數椽爲退食所也是又望於後之君子

重修陳州府學碑記

乾隆三年

知府 金山

古者有庠序學交之名而今一歸於學顧由漢以來  
惟大學耳唐有天下始詔諸道州縣並置學至宋景  
祐中藩鎮立學寶元中大郡立學慶曆中諸路州無  
不立學然猶曰州士滿百人乃得立焉故其間興廢  
不一及明洪武中旣建國子監令天下府州縣皆立  
學用是三百年來號稱極盛我

朝鼎興尊崇

先聖視前代有加

今上御極之二年 詔於京師大成殿更易黃瓦規制一  
如闕廷禮 綦隆矣余竊謂鄉學之設原與國學相表  
裏國學之中備法駕親臨袒割行饗射禮聚諸生圖  
橋問道示之於古文之盛而鄉學之中亦當新黌舍  
潔庭宇修 飭車服禮器陳鐘鼓管絃於前俾文學之  
士得以考 課肄業而顧任宮墻之圯聽梁木之壞一  
如秦人視越人之肥瘠也其可乎陳昔於治爲州雍  
正十有二年始改郡余方量移三千石來守是邦旣  
視事卽舉行釋菜禮畢周視殿廡半皆頽落亟進

兩博詢其闕狀胥曰前守黃公議撤舊而更新之昆  
子衿各捐助有善意顧工鉅費縮不克勝任幸公之  
來庶藉手以告厥成余曰學宮之新非第神有所依  
而已宋李覲不言之乎大懼人材放失而儒學濶踈  
也余乏守土敢不率先以爲倡爰助銀戊材而淮令  
潘君廷偉亦踵捐於後諸紳士復相勸勉計聚錢幾  
千緡興修有日矣會潘令以事罷去署篆者爲許昌  
別駕程公益傾橐金以飲丕建始克竣事仆者起  
斷者續剝蝕者以新煥乎屹若較昔增崇經始於丙  
辰之暮落成於丁巳之夏凡閱歲餘云工竣諸君因

前請於余曰廟之興旣惠徵令一言茲可無一言以垂不朽余退謝曰是役也匪余一言是私繫

天子明命是奉臺使者德意是承而二三子寔並圖利之今者我

皇上升中禮成慶施中外廣士額以登人材而吾陳適合文廟修復之初是

先聖之大啟佑也多士其交勉之雖然李觀之訓袁士又曰爾由庠序踐古人之路則談禮樂以陶吾民是惟朝家教學之意若其弄筆墨以徼利達當亦二三子之羞覲之言切而有本余尤願諸生之勉之因書此

以泐諸石他若某某董事之勤與捐費之功均不  
沒竝得鐫姓名於碑之陰

太康縣儒學在治北前代無考明宣德年間爲河所圮  
且制卑陋弗稱知縣崔壽始建未備成化八年知縣  
王珣續修嘉靖四十一年知縣徐大經重修明季寇  
亂焚燬僅存正殿七楹

國朝順治五年知縣田六善重修康熙三十一年知縣樸  
懷寶重修

文廟

明季燬於寇順治五年知縣田六善重修

明倫堂

康熙三十一年知縣樸懷寶重修

崇聖祠

知縣樸懷寶重修

名宦鄉賢二祠

在戟門左右樸懷寶重修

忠義祠

在文廟西雍正八年知縣節孝祠在西關外雍正八年知縣吳本涵承

劉輝祖捐俸同紳士重修  
建乾隆十年知縣  
宋士莊捐俸重修

文昌閣

在文廟吳方知縣樸懷寶重修雍正十年合邑紳士捐貲知縣吳本涵重修魁星樓

舊在城東南隅文昌閣靈光塔內外遙映文風在焉  
樓燬像寄文昌閣內康熙五十年知縣吳從至捐修  
乾隆九年復傾圮知縣宋士莊捐俸倡修

學田共五頃七十八畝每年徵課銀四十四兩四錢四分  
分中學道給貧生

社學舊在治東寇燬無存知縣樸懷寶建立西關外

重修文廟碑

邑令樸懷寶

辛未夏中余承乏茲土兢兢惟恐一事或苟以貽神

民羞每於勸相之暇卽繕城隍第道路亦旣次第舉  
行矣獨康之文廟日擊茂草數躊躇於心而不能已  
其竣事於三年之後者蓋經費廣而士民貧也先是  
定鼎以來燼於兵燹令茲土者方百務之未遑故制多  
草創北平胡公來始擴地誅棘殿之廡之宮墻之又  
從而丹堊之至是有三十年所而風雨剝蝕烏雀摧  
殘几筵榱桷將頽毀而不可支矣嗟乎盛衰倚伏之  
理凡物皆然不獨此學宮也其因時修補不致廢墜  
者豈非長人者責乎於是謀之廣文司公范公又謀  
之邑大夫及士庶人僉曰可乃鳩工庇材各輸其力



以成厥事前後工役計越期始報竣廟貌遂改觀焉  
邑士紳請余曰是不可以無記余遂巡謝之曰是役  
也考而允臧者龜策也謀而協從者二廣文與邑紳  
士也勸而樂輸者四境之羣弟子也揀度而馨鼓弗  
勝者庶民色役也吾一人何紀之有紀功乎非一人  
之功也紀力乎非一人之力也然余竊有所期於康  
邑之宮墻君子者康在春秋屬邑於陳陳爲我夫子  
轍跡數經之地其當年在陳每繫思狂簡欲裁成小  
子以廣道教康爲其所經歷亦必多受其裁成者也  
今廟祀之又特爲像設之千百世下尊其道沐其教

瞻其廟思其人私淑所不容已者矣辟雍之地既  
則觀感之意自生觀茲地位之高厥願學者有器宇  
高明之思焉觀茲大勢之嚴正願學者有廉隅峻礪  
之飭焉觀茲戶牖之周通簷阿之華采願學者有器  
識明達去其鄙陋而斐於文章焉若夫奧窔深邃俯  
仰穆清吾尤願學者之蘊蓄靜深退藏無躍冶焉是  
皆可於學宮中感發而自奮之亦猶堯羹舜墻之意  
也然則遊斯地者能讀書知義制行合道上不負乎  
聖天子儲材樂泮之殷下無愧乎吾身長育在泮之志是  
則余之重修學宮所厚期者也若謂侈輪奐新耳目

自施其垂遠之勞余一身豈有望焉後之君子其尚有感於斯言

扶溝縣儒學創建不知何代元延祐三年縣尹趙瓊監  
縣塔海創修至治元年監縣買闡忠翊至正十六年  
監縣紐臺重修元末燬於兵獨廟庭無虞明洪武二  
十年知縣張遵道重建天順三年知縣陳紀及知縣  
康昭成化十六年知縣胡宣增修二十一年知縣李  
增弘治十七年知縣高昇萬歷六年知縣管應鳳二  
十六年訓導石巖三十年知縣全良範相繼修葺明  
季兵燹學宮俱圯

國朝順治七年知縣楊在陞於兩廡草創三楹十二年知

縣吳朱禎王佐繼修康熙二十四年知縣周士皇二

十五年知縣趙如桓五十七年知縣郁士超遞加修

理雍正十一年諸生盧宸等重修乾隆十年知縣周

鈺重修

文廟

明季傾圮順治間知縣楊在陞重修兩廡吳朱禎及王佐重修大殿櫺星戟門

明倫堂

明

圯於兵康熙二十四年知縣周士皇重修在大成殿後雍正十一年諸生盧宸等改爲崇聖祠以忠義祠改爲明倫堂

崇聖祠

知縣王佐重建在文廟東北隅諸生盧宸等改爲忠義祠而以明倫堂改爲崇聖祠名宦

祠

鄉賢祠

忠義祠

雍正六年知縣秦鑄新建在文廟西北隅諸生盧宸等改

爲明倫堂而以崇  
聖祠改爲忠義祠節孝祠

文昌閣 魁星樓

社學舊有二一在南門外一在城隍廟前年久圯廢占  
爲民居康熙二十九年知縣繆應晉重建

扶溝縣重修儒學記

邑令

周士皇

聖至吾夫子自京師首善之地極於郡邑之窮陬僻壤莫  
不立學而敬祀焉其棲神之正衙曰殿門曰櫺星曰  
戟石坊表其外泮水橋於中周垣丹雘金碧焜煌儼  
然王者之居而饗保無旣可謂至盛矣故郡邑之志

必志學校且必志其修建爲守令業然則非亦



祿公維康所琢石坊獻諸公畧不取直光祿於荒歲  
捐穀千石曾題請自備建坊因兵燹未及立羽冲寧  
弟侄等移成櫺星門用垂不朽可謂善繼先人之志  
者偶池地貯灰因獲昔人所藏遺灰百餘斛甃甃以  
饒計費一而爲功幾於三倍焉何其易也習故者人  
情也向之棟宇旣因陋就簡於百年前物阜民殷之  
日乃一旦欲拓大其規模慮無不難色竊相非笑之  
謂是不爲惜物力者而顧相與是而共易之何也况  
乎其費非素籌材非素蓄發議於父老子弟初未相  
信之際其爲欲速而懼成之之莫可必也亦明矣而

卒易成而無難今何修而得此於扶人哉吾於是而  
重有感矣感夫民志之易以通而德化之易以動也  
昔二程子俱產吾楚之西陵伯子亦常宰於此邦余  
承乏茲土夙夜祇懼惟恐或背於前人其景行猶未  
彷彿什一也敢謂民風之遂易復古耶乃今觀之何  
其風俗之近古也如是何其人之急公慕義不沒於  
利也如是能以令之心爲心知其所先爲宜先而是  
非不惑也如是豈非昔賢德化之所及雖流風之遠  
而正心相感有不自知其志之何以油然而動哉子  
曰齊一變至於魯魯一變至於道又曰斯民也三代



之所以直道而行也詎不信與後之君子其亦知所  
景慕哉不然以葺學一事謂足以塞有司之責而昭  
示來茲也斯末矣

重修文廟碑記

學憲

吳應棻

余忝列翰苑邀殊恩遣使中州兩番典試三載衡  
文夙夜兢兢惟期興學育才仰副

聖天子作人至意辛亥冬因校試陳州道經扶邑謁

文廟見夫殿宇門垣傾圯頽敗等於荒烟蔓草心竊閔之  
詢知霪雨爲災未遑修整有士子某某等以

新天子臨御之明年准州縣升學扶邑應列大庠當事者

漠不留意共愬于余祈爲

題請余念例限於前機失於後若不量力而更舉之詎免以蚊負山之誚乎且諸生奚必以升學爲誠能留心本圖加意整飭則人於神而致敬神自於人而介福計無復有踰於此者諸生勉乎哉迨三載報最檢校中祕之暇忽有歛署而告曰予小人豫省扶邑使也多士曾面承誠諭培植黌宮隨以升學所捐十之一益以募衆所捐十之九共成厥事雖祭器樂器併生學署未及整理而

崇聖祠已不至偏處矣忠義祠明倫堂已稱得所矣至正

殿戟門櫺星門東西廡與夫周圍墻垣卑者崇缺者補己俱告竣矣經始於壬子仲春落成於癸丑季夏是皆昔日勸諭鼓舞之力也不有記述奚以傳後懇丐一言勒諸貞珉以爲將來勸余不禁喟然嘆曰扶之士可謂勇於爲義者矣可謂能受善言者矣方余之在扶也因景攄思因人致詞未敢必所言之不虛也而竟不以余言爲謬其尊崇聖教輔翼文運若此不但爲一時盛舉卽踵事者後之視今未必不猶今之視昔也瞻

聖容之嚴肅瞻廟貌之輝煌主祭者必誠信而灌獻助祭

者必敬謹以對越捧帛執爵以逮率牲贊璧亦必恪  
供乃職無敢戲渝諸生整飭之功豈其微哉聞之神  
無怨恫卜介百福自茲人材鵲起科第蟬聯其有射  
策南宮擢入翰苑與余比肩而襄文治者乎可預爲  
扶人賀矣謹據巔末以答多士之請

社學記

邑人 何際美

天下不可一日無政教故學不可一日而亡於天下  
古者先王旣設大學以養成材而復設小學以養童  
蒙其所以教人之法詳而有序故古之天下皆可用  
之材也然則後世社學之設其卽小學之遺意乎立

社學使鄉里童子讀書其中亦使鄉里之貧窮而館穀不能具者不至自棄於教外噫法誠良矣哉扶小邑也止有大學而社學之舉前此未有攷之邑乘並無其籍邑侯繆公甫下車卽思毅然剗爲之然苦教者難其人亦無其地會有楊生者負遠賈強有力者之債貧甚欲售其居邑侯憐之卽捐資估值以予其地寬厥而屋亦堅固是年舉明經者羅子名紳能文章而優於行卽延爲師歲出束修二十四金皆侯俸薪之餘也邑人樂公之舉其童子之俊秀者皆來學比屋而居誦讀之聲達於閭里每於公務之暇時進

諸童子而考課之人皆勉於學侯之樂於爲善而成  
就人材固如是哉昔明道先生之爲令也諸鄉皆有  
校暇時親至召父老與之語兒童所讀書親爲正句  
讀有不善則爲易置擇子弟之秀者聚而教之其在  
晉城與在扶溝皆然至今扶人尸祝之不忘今扶爲  
明道先生舊治之邑其民亦頗易治而侯又得宜爲  
師者以教其人吾因信其教化之大行而風俗之有  
成也將與明道先生並美矣豈可不載之邑乘以興  
起來者乎是宜書

扶溝縣義學碑記

邑令 吳士燾

扶溝義學舊在南街前邑宰繆捐俸買武生楊發早  
故宅所成因循相沿其事寢廢疾風甚雨墻垣盡頽  
僅存破屋五間教化不興亦守土之責也及登明道  
先生化民臺見其崇閣峻基岌岌欲覆與義學同慘  
目焉夫先生爲吾道津梁講吏治者在一時一方而  
詔後學者在天下萬世何可因循退諉使其流風餘  
教漸爲湮沒兩念並興事可相濟臺畔地基弘厥若  
義學移置其中俾宰是邑者拜先生之祠興教化之  
念未必非提撕警覺之一助也因將義學故址售羅  
姓爲家廟得價五十七兩於先生祠左建立講堂三

楹工未半適邑宦張紹祖生員張天樞捐其先人明戶科都諫叅衡公所築廢閣以助講堂旣成環以垣墻共費三十七金餘尚二十金化民臺之傾頽亦得以修葺告成焉余今者老病歸休矣事與願違志士所嘆自茲以往追踪先賢大興學校是所望於來者因爲記

西華縣儒學在縣東南隅元末傾圮明洪武三年主簿李興旺建立永樂七年知縣吳文郁重修正統六年知縣王在明成化六年知縣羅睿十二年知縣陳嘉謨弘治二年知縣翁積德十一年知縣楊鳳教諭夏



雲嘉靖十一年知縣陳世熙二十年署縣事向先啟  
相繼修葺崇禎末年毀於土寇金高

國朝順治七年知縣武超凡重修康熙五十四年教諭王  
邠訓導龔振英重葺舊址歲有侵佔久未釐正雍正  
十年教諭李南訓導王士英請於知縣劉焜始正之  
自忠義祠迤西清出基址七弓二尺南北廣狹準此  
乾隆十年知縣介錫齡同教諭李南訓導傅元儒倡  
紳士捐資監生李慶悅承其祖大耀志獨捐三之一  
重加修葺

文廟

明季燬於土寇順治七年知縣武超凡重修

明倫堂

順治七年武超凡重建

崇聖祠

名宦鄉賢二祠

舊在明倫堂後乾隆八年教諭李南移建樞星門東西

忠義祠

節孝祠

俱雍正六年建

文昌閣

在宮牆外東偏邑人丁存智募建

魁星樓

舊建東城上明末壞康熙五十九年教諭

王邠移建城與隅上雍正十年生員金國華趙得弼監生金憲武協捐重修

青雲樓

義民趙唐

建

義田一項七十八畝一分五釐在渚河北岸

舊志載有學田三頃

在任家店東郎冢坡自鼎革後任民占墾疆界失據  
邑人李茹芳擬以連家橋私田一項七十八畝捐補  
未及行而歿其子大耀承父志於雍正七年呈明本  
縣撥入學宮爲本學師生齋盤膏火之資非若學田  
公之通省者比知縣晏大燁勒石記

社學在縣西五十里小陶鎮有學宮舊址俗因誤傳爲

西州府志 卷之十一  
三  
古清水縣知縣李培曾設義學於此後義民熊捐  
貲及募重修殿三楹祀孔子生員程融等又約社會  
積貲備祭修廟學乾隆三年奉撫院尹遂爲西義社  
每月勸課焉

西華縣重建儒學碑記

王鼎鐘

明之季也三光將墜海水羣飛彼華人士救死而恐  
不贍遑問師儒然鴻雁失澤鷓鴣無棲又無論雞聲  
茅店人跡板橋矣遑問人士武侯蒞止諸廢皆興一  
曰地畝二曰學校養之所爲先於教也三曰城隍四  
曰道路原之所爲先於委也鍾學人也請言修學天

下有治化而後有風俗有經術而後有治化有學官  
而後有經術其盛也詩書以經之禮樂以緯之登降  
以導之游息以節之養之以拊鼓之音動之以干羽  
之美厲之以君上之恩大之以致澤之義其敝也或  
科目焉而流於功利或品行焉而流于聲色或課業  
焉而流於鞶帶或文章焉而流於醴脂夏日校子衿  
是也守先者誰殷曰序射圃是也正鵠者誰周曰庠  
鄉飲酒禮是也龍光者誰夫父兄之教不先則子弟  
之率不謹魯修泮宮頌侈述焉環橋觀漢不聞其越  
在草莽也推此說也自廟貌以及經席棟宇棖題安

在非長民者之所有事然自蕪而新者易自無而有者難自間架而丹堊者易自平地而間架者難棘旣恐乎病民需復恐乎厲事是我侯盖獨爲其難而彼華人士乃共享其易也嗟夫雲從龍風從虎金從冶木從繩則自茲以往蜚聲譽於談叢抒春華於墨海朝有振鷺野無維駒文翁之化西華有焉是舉也大

成殿一戟門一櫺星門一兩廡全明倫堂一是爲記

商水縣儒學在縣治東洪武四年縣丞孫元仁重修景泰六年知縣龐寬成化六年知縣羅楫修萬歷五年知縣徐士毅厭其卑狹改舊文廟爲明倫堂市近學

民宅數區改建文廟前鑿泮池甃以磚石門外開  
路街直抵南城下中建雲路坊規模壯麗明末燹燬  
僅存其址

國朝順治年知縣原英煌因其存者而補葺之康熙二十  
六年知縣邵瑗教諭劉寬訓導繆蘭芳修增重建加  
丹雘五十一年教諭杜法修葺五十八年大成殿壞  
教諭喬廷謨率諸生捐修五十九年知縣黃廷獻雍  
正六年知縣趙士蘭重修

文廟

順治初知縣原英煌重修

明倫堂

在大成殿後順治間知縣吳道觀教諭喬時傑市民宅葺

創康熙二十六年知縣邵瑗繼修雍正  
十年邑侯選知州李震普捐資重修

陝州府志 卷之六  
崇聖祠

在大成殿東北康熙三十年署縣事劉君向改建五十九年教諭喬廷謨重修 名宦祠

在戟門左

鄉賢祠

在戟門右

忠義祠

在名宦祠南

節孝祠

在聖廟東訓導室舊

址二祠皆雍正六年知縣趙士蘭建

文昌閣

城上東南隅

魁星樓

在文廟前知縣原英煌建

學田一項二十畝四分六釐每年徵解租銀九兩二錢

一分八釐零在城西

項城縣儒學舊在項羽城東明洪武三十一年圯於水

知縣彭仲恭徙建縣治東南宣德三年避河患遷今

地在縣治東南隅正統十四年知縣胡璉創建十九

年知縣張顯劉果相繼修葺天順三年知縣王輔增

修弘治十一年知縣任廷傑嘉靖三年巡按王奏發  
銀重修隆慶元年知縣魏勳六年知縣賈明遠萬曆  
五年知縣陳萬言十七年知縣徐東漸歷年各增修  
二十三年知縣王欽誥整修崇禎十年邑進士張宏  
志捐修十四年知縣張應宏又大修之

國朝康熙二十年知縣鈕琇同教諭蘇昌訓導謝希堯典  
史毛冕各捐俸並紳士捐輸重建修二十三年至三  
十年知縣顧芳宗陸續捐俸增修雍正四年知縣徐  
璋修十二年知縣劉倣重建修

文廟

順治十七年知縣黃陞重建兩廡康熙年  
間知縣鈕琇重建大成殿顧芳宗竣工

明倫堂



康熙九年訓導李勝任重修三十年知縣  
顧芳宗復修乾隆年知縣錢國寶補修

**崇聖祠** 舊在泮池西康熙三十年知縣顧芳宗及紳士  
捐貲移建大成殿北雍正二年知縣劉俶創修

**月名宦祠** 在戟門東康熙元年合邑紳衿因舊  
址建前令鄭羽侯子生員鄭璿助修鄉賢

**祠** 在戟門內明崇禎八年邑鄉官閻煖重修二祠俱  
康熙三十年知縣顧芳宗重修雍正十二年知縣

劉俶 **忠義祠** 在明倫 **節孝祠** 在儒學大門西二祠俱  
重修 堂左 雍正六年知縣陳鄭年

奉文 建

**文昌閣** 在樞星門外街南迤東明嘉靖二十八年鄉宮  
張承恩萬曆四十八年知縣田唯嘉改建城東

南隅康熙二十七年知縣顧芳宗捐 **魁星樓** 在文昌  
俸并勸捐因舊址建閣擴其規模 閣前康

熙二十五年知縣 **青雲樓** 在察院東萬曆二十五年  
顧芳宗捐俸創建 知縣王欽誥創建歲久樓

知縣顧芳宗重建  
康熙二十九年

學田一在縣南十里石橋隆慶元年知縣魏勳捐俸置  
一項五十畝萬曆十七年知縣徐東漸增置三十畝  
收租貯庫修擬學取用一在樓堤南大路西計一項  
萬曆二十四年知府劉如寵知縣王欽誥共捐俸置  
一在鹹河北一項六畝萬曆二十四年知縣王欽誥  
捐俸置一在范亭集南一項二畝萬曆二十四年義  
民崔縉捐一在沙家埠口四項四十六畝萬曆二十  
七年鄉約齊邦君捐俱儒學收租月考支用

項城縣重修儒學碑記

邑令 顧芳宗

項縣屬陳近伏羲畫卦臺是項雖僻壤亦開于古文

字之地也且考宛邱侯顓孫氏陳產也孔子居陳甚久其地之漸摩聖化蓋有日矣故漢志稱人多俊髦好博雅而易感以義重厚多君子寰宇記又曰俗尊年齒學尚經術良有以也芳宗自康熙二十二年承乏茲邑自愧東海下士旣不能效先賢子路氏之治蒲足稱三善又不能學前哲子產之都鄙有章廬井有伍蒺藜不生鴟梟不至而化民成俗興學爲先項學建自前明洪武庚戌再建於正德甲戌今歷年一百八十頽剝漫漶前令鈕修造解任未竣茲於甲子歲復行興修東西兩廡次第落成計若干楹辛未重

建橋星門泮池於塞擴而濬諸環橋其上水清漣漪  
計廣若干尺深若干尺再建啟聖祠於北若干楹於  
戟門東建名宦祠若干楹今年八月朔告成士之鼓  
篋而游於學者途闢肆軌臺列三重華宇闔棟宮門  
修廊非復鄉之湫隘囂塵矣瓦墁城甃題榮棗桷堅  
好絢麗非復鄉之澁朽黢黝矣如入孔門而見宗廟  
之美百官之富陶然樂之藏修遊息而發爲文章措  
爲事業高明光大可以命世誠爲茲學重矣孔子贊  
易曰革去故鼎取新也又蠱之象曰君子以振民育  
德革之上六君子豹變其文蔚也抑聞項之先民冀

州刺史蔡衍明經講授以禮讓化鄉里梁冀聞其賢  
欲請相見辭疾不往又洪武時司寇劉達家世以忠  
孝相承漢志所推重厚多君子遺風餘韻去古不遠  
今

聖天子兩幸闕里以重化源大中丞閻檄修樂器以敦教  
本鼓之舞之端在今日而繩之武之實藉多士是則  
予之深有望於項士而援筆爲之記也其襄贊者若  
而人縉紳縫掖効義者若而人石之下方例得備書

項城縣重修學宮記

邑令 劉 倣

孔聖德冠百王道隆萬禩世之讀其書被其澤者自淑淑

人開來繼往何廣且大也是故土自帝王下逮士庶  
莫不師尊之景行之煥宮牆光俎豆春秋饗祀儼介  
肅雍其典始自成均而遍及乎遐陬郡邑以此黼黻  
治平倡導風化猗歟休哉似於雍正甲寅夏季奉檄  
來項首謁

學宮仰視殿宇摧危凡兩廡垣櫺俱敗壞傾頽愴然在目  
詢之多士云自康熙二十年間邑宰顧芳宗修葺以  
來今垂五十年因循苟簡無能舉而新之似不禁喟  
然興嘆竊念風俗之興由於教化而學校者教化所  
由出也

今天子右文重道車書明備禮樂光昌項子故都又人文淵藪傲以遼東下士忝列科名臨蒞茲土乃覩雍宮泮水淪落於荒烟蔓草伊誰之責歟亟謀諸教諭王君夢賚訓導張君湛估計磚瓦木植及工食等用不下千金爰捐薄俸并勸闔邑紳士黽勉樂輸共成盛舉週歲中鳩工並作凡殿廡前後莫不燦然一新計費八百餘金歷次年冬始告厥成其間經營而贊襄之者在籍縉紳閭聖言石崑石凝祚高攀龍等均有力焉似因之有感矣士子讀書稽古弋取功名凡叨一命之榮能飭廉隅而篤治體者不外

聖人之教是役也謂非風俗之樞機教化之源本哉觀感  
之下得勿有子與子言孝弟與弟言悌家敦修者人  
樂橫經者乎將見人文蔚興賢才輩出於都人士有  
厚望焉至明倫堂及兩學博私廡適倣以奉  
行入都匆匆未獲整理不無餘憾尚賴後之君子增修而  
續成之是爲記

項城縣社學記

邑令

顧芳宗

鄉之有學也凡以旣富方穀爲王化之本而棧樸菁  
莪必藉學宮片席地至於小子後生未躋成人者立  
社學以教之社學之設與鄉學相表裏故育材作人



又未可一日而廢宗不敏承

天子命以蒞此土念項爲禹貢豫州域風樸民淳士稱易治兵燹之餘流離失所盡失其舊自

本朝生聚教養四十餘年已日見有革薄從忠之漸宰是邑者其敢以簿書期會遂爲畢乃公事乃撫循安集日惟兢兢謁文廟見有傾圯失宜者會廣文紳士修葺更正之而未敢謂治理之已備則以邑之大事未盡修舉而鼓舞入才之道猶未廣也因思昔時項之名公鉅卿接踵而起出爲當世用不絕而士風亦羣感動淬勵烝烝以變是豈當日陶淑之深非後世所

及故多士奮跡稱一時之盛耶然考邑乘項之先未  
有社學又豈當日之明倫弼教有以深入乎人心使  
之自發其觀感耶方今

聖天子文教覃敷六合之內九州之外無不瞻仰向風項  
雖叢壤士之彬彬美秀而文者未嘗後他邑獨是單  
寒徒步或阻於勢之不得學困於力之不能學人性  
皆善宣上德意以化民成俗有司之責也幸遇太中  
丞閻公撫豫之始特檄郡縣修復社學因念表裏乎  
鄉學之義爰相其土於文昌閣之右得基地庠生張  
子同德所飲遂捐貲構堂堂成延以名師復置地參

頃零其地每年所獲除完正供外餘爲延師供膳之費使邑之秀者咸得沐浴大化夫士之善於學者無往不得其爲師令之善於治者無在不可行其教卽此建立規模亦未宏遠敢謂鼓舞人才之道已盡於此然聞之過宗廟而動愛敬之思對大庭而切公忠之念皆其性之所感而不能自己者也項之學者其亦深維建學之意而交相勸勉日習乎詩書禮樂之文羣闡夫天人性命之旨於以明古今得失理欲危微處爲醇儒出爲各臣以不負大中丞閻公樂育人材至意而斯學亦不爲無補云

沈邱縣儒學在縣治西南明弘治戊午知縣李琳創建  
嘉靖丁亥知縣李宗元勦治於全

國朝順治七年知縣劉允謙重修康熙十八年知縣戴良  
佐教諭王化遠三十五年知縣范時瑞教諭李起元  
訓導宋方大三十九年教諭劉起相繼修葺四十五  
年教諭劉正心糾衆重修雍正十二年知縣諸齊賢  
教諭魯之藩訓導劉羣集乾隆二年八年知縣王郁  
文復同教諭魯訓導劉及紳士重修

文廟

順治七年知縣劉允謙重修大殿

明倫堂

知縣劉允謙修乾隆十年知縣馮澎捐資及紳

士重修

崇聖祠

萬宏十八年知縣李宏祖改建

名宦祠

鄉賢祠

在橋星門內東西崇禎五

年知縣柴懋掄建順治十四年知縣李芳春重修

忠義節孝二祠

雍正六年知縣徐士

建璋承

文昌閣

在縣南門外迤東順治戊戌年知縣李芳春建康熙十五年知縣戴良佐重修

魁星樓

康熙三十二年教諭陳起元創建

學田明萬歷八年知縣司成章將南截河并城隍廟前

池塘申請定爲學田後因無人佃業申准已廢二十

一年知縣劉世光又申作學田歷有年歲其後知縣

柴懋掄以南河淤塞風氣所關申請疏鑿其南截河

淤出地五十五畝已爲河道僅存淤出旱地九畝因

分及隍廟前地四畝九分尚供課銀

本朝康熙五十四年知縣牛弘華置買義學田小弓地九十七畝零在城東李宏營雍正元年生員谷林桂捐學田十九畝在城西北五里

社學前志載有八處今皆廢壞無存康熙五十年知縣戴良佐另立社學一所在南關文昌閣前後項城縣知縣顧芳宗署沈事重修

沈邱縣重修學宮記

李旭

古者體國經野分田授民而後卽首建辟雍鐘鼓以爲化民成俗之本其所係非淺鮮也是故歷代相仍

大而國學小而鄉學典亦鉅矣沈邑學宮自創立以逮今茲其改作而重修者不知凡幾康熙丁丑夏水雹肆虐碎瓦頽垣於斯爲極當事任胥未久勢有不暇雖有樂善者亦徒心焉憫之是以歲久不治日就傾圮遠而望之儼然宮牆近而睹之鞠爲茂草以聖人尊崇之所荒廢若此良可悼也康熙辛巳肇修夫子秉鐸茲土目擊心傷不禁喟然曰是余之責也夫第以工程甚大物力維艱漸積修理非旦夕可觀成者今試總其始終計之大成殿戟門爲邑內翰石渠劉先生重建承先志也夫子則易木主具供器顏匾

額砌甬道而聖宇內外燦然改觀矣次修啟聖宮妥  
聖父也次修兩廡庇先賢也次修名宦崇功德也次  
修鄉賢特設拜宇三間茶舍一區重典型也宮內夙  
無齋厨創立數楹而春秋供饌於是乎具泮池周圍  
磚砌中建虹橋而士民觀瞻於是乎備櫺星門屏壁  
以及聖域賢關前後墻垣悉整齊丹堊而學宮制度  
乃皆煥然一新矣約舉所費除內翰重建並鄉賢後  
齋所樂輸夫子之解囊橐者不下數百金始於康熙  
丙戌春終於雍正乙巳秋歷二十載而後觀厥成云  
於戲廣文一席寒齋也沈爲尤甚經歲所入俸金節



規之外他無羨膺斯任者聊供饘粥足矣獨夫子軫念頽型不以饘粥爲先務二十五載之內俸金節規續爲捐修抑且揭借典當以勦厥役則其所以事聖人者可謂勤且至矣今夫子秩滿候擢行將歸虞余旣慶廟貌之重光悵攀轅之無術而又甚冀來者之克繼我夫子也故不辭俚鄙而詳爲之記

附名宦等祠

名宦祠祭文

維年月日某官某致祭於

官名之靈曰惟  
全書

靈文武憲邦公忠體國當

皇朝之肇造心膺攸司值

列聖之丕承股肱作輔明良合德奮庸而庶績咸熙中外  
宣猷敷澤而兆民永賴洵屬廊廟之碩望允宜俎豆  
以明禮考績紀勲崇報昭垂於令典陳牲奠粢馨香  
祇薦於歲時尙 饗

鄉賢祠

與名宦同

忠義孝弟祠祭文

維年月日某官某致祭於

忠義孝弟之靈曰惟

靈稟賦貞純躬行篤實忠誠奮發貫金石而不渝義問  
宣昭表鄉閭而共式祇事懋彝倫之大性摯莪蒿克  
恭念天顯之親情殷棣萼模楷咸推夫懿德

綸音特闡其幽光祠宇維隆歲時式祀用陳奠盥來格凡  
筵尚饗

節孝祠祭文

維年月日某官某致祭於

節孝之靈曰惟

靈純心皎潔令德柔嘉矢志完貞全閨中之亮節竭誠  
致敬彰閭內之芳型茹冰蘖而彌堅清操自勵奉盤

匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦奠醪

尚饗

淮寧縣名宦祠

陳胡公

別立專祠

司城貞子

配享

漢申屠公

諱嘉

灌公

諱夫

汲公

諱黯

韓公

諱延壽

蕭公

諱咸

岑公

諱彭

張公

諱歆

田公

諱廣明

漢第五公

諱倫

鄭公

諱弘

朱公

諱頴

黃公

諱昌

韋公

諱義

邊公

諱韶

孔公

諱疇

皇甫公

諱嵩

駱公

諱俊

魏司馬公諱舒

北魏李公諱祥

唐曲公諱環

薛公諱珏

高公諱瑀

孟公諱元陽

李公諱昇

劉公諱昌裔

李公諱篋

趙公諱隼詳武功

趙公諱珣傳

趙公諱景傳

劉公諱昌

梁袁公諱象先

後唐陸公諱思鐸傳陸姓舊誤作李今改正

晉劉公諱審交

王公諱明

周李公諱穀

宋田公諱錫

張公諱詠

呂公諱夷簡

晏公諱殊

韓公 諱億

范公 諱仲淹

包公 諱拯

陳公 諱執中

李公 諱士衡

狄公 諱青

張公 諱方平

吳公 諱奎

錢公 諱象先

魏公 諱瓘

范公 諱鎮

鄭公 諱獬

傅公 諱堯俞

向公 諱經

范公 諱純仁

蘇公 諱轍

曾公 諱肇

胡公 諱宗愈

趙公 諱子崧

孫公 諱思恭

陳公 諱竑

霍公 諱端友

岳公 諱飛

陳公 諱淳

胡公 諱則

何公 諱中立

段公 諱子昂

韓公 諱絳

向公 諱子韶 傳詳忠義

楊公 諱仲元

明馮公 諱莊甫

白公 諱思義

劉公 諱恭肅

張公 諱志道

萬公 諱宣

戴公 諱斯

侯公 諱君擢 傳詳忠

義

關公

諱永傑

洪公

諱蒸

皇清張公

諱九徵

佟公

諱鳳彩

蔡公

諱含靈

李公

諱蔭祖

朱公

諱昌祚

蔣公

諱伊

于公

諱鵬舉

重修名宦祠碑文

林鴻暹

康熙戊戌歲秋七月陳州士人共舉原任廣東瓊州

府臨高縣令高維嶽爲鄉之賢增祀祠內其後人高

驩等與祠內賢裔齊謀等共捐貲重加修葺并以其

餘增修名宦之祠於其左屹然兩祠竝巍煥於州學

之東西隅焉考名宦之在州者莫盛於陳自漢至今

共計七十有九人之中如漢之申屠嘉汲黯岑彭唐

之李邕趙犖趙翊宋之張詠狄青晏殊包拯范仲淹  
范純仁蘇轍等非徒名在一州在一時亦且震四海  
垂百世莫不聞而興起也嗚乎何其盛哉且按陳之  
舊祠有以名宦而混鄉賢者矣如司城貞子本宋大  
夫後爲陳侯周臣其爲名宦而非鄉賢也明甚乃當  
時弗深考歷久仍誤直至萬歷時州牧王堯封始爲  
訂定而別祀焉是七十九人之外又增一人矣甚矣  
名宦之盛莫過於陳也顧其祠之壞而葺葺而復壞  
也數矣今高驛等因其先人增祠於鄉賢也乃葺鄉  
賢之祠以崇之又因其鄉賢之並祠於名宦也而又



陳州府志 卷之六  
葺名宦之祠以配之其志誠可嘉而其功不可沒也  
故樂爲記而凡助之者亦書名於後俱壽諸石俾後  
世知所法云

鄉賢祠

陳世公

諱頌

逢公

諱滑

賈公

諱獲

洩公

諱治

漢汝公

諱郁

鄭公

諱當時

張公

諱季禮

魏公

諱昭

晉王公

諱隱

周公

諱翼

唐袁公

諱楚客

宋黃公

諱實

符公

諱彥卿

陳公

諱亭祖

段公

諱少連

張公

諱表

符公

諱惟忠

李公

諱宗易

常公

諱同

元賈公

諱吉甫

王公

諱逢吉

明古公

諱樸

孟公

諱鏞

李公

諱珉

于公

諱

闡公

諱昂

吳公

諱增

陳公

諱樸

季公

諱道統

張公

諱養志

王公

諱良臣

齊公

諱

房公

諱寬

雷公

諱

于公

諱之大

曾公

諱大吉

盧公

諱勳

皇清李公

諱始

高公

諱

蘇公

諱名

重修陳州鄉賢祠記

庚子年

知州

林鴻邊

鄉賢之說即古所謂鄉先生其有闕也即古所謂沒

而可祭於社者歟而與名宦祠並列學官配享貳祭

則昉於前明洪武之三年迨世宗時更定祀典復申  
行之誠重之也陳爲州故胡公受封地雖無名山大  
川鍾靈毓秀然其鄉之賢代不乏人卽聖門七十子  
中陳有五賢焉可概見矣間嘗按其祀舊祀途滑洩  
冶等十有一人增祀賈獲世碩等二十有五人自周  
迄今幾千百年而合之僅得三十六人苟非行誼卓  
卓畧無可議者豈容輕廢其間哉且夫有賢必彰於  
史冊仍不列於祠內者如聖門五賢止登世碩一人  
纒孫師巫馬施公良儒及陳亢等皆不與非畧之也  
蓋此四賢已配享孔子廟庭無煩書於世宗爲

聖門高弟所著有世子二十一篇願僅載於王充之  
論衡宋時失於追封明時未及從祀其別祀於鄉賢  
祠也誠不容已也噫以世碩之賢而祀典猶或遺忘  
有待於增而祀之則其後之賢無愧於古而可祭者  
又烏聽其泯沒不令附祀於前賢後耶茲有孝廉高  
君諱維嶽字駿生者曾爲廣東瓊州之臨高令多善  
政有仁聲其生平大節均可追配古人故州人共舉  
以爲鄉之賢宜配食於祠其後人高驕等因加修葺  
而祠內賢裔齊謀等又樂爲之助其亦知所重也夫  
且并名宦祠俱爲葺新是可誌也於是乎書

忠義孝弟祠

周賈公 諱獲 忠義

唐李公 諱肅

宋劉公 諱國

元馬公 諱士隆 忠義

明姜公 諱宏

崔公 諱泌之

周公 諱爾傑 以上忠

牛公 諱龍韜

衛公 諱養智

趙公 諱肇

樊公 諱可行 以上義行

邵公 諱敬祖 孝子

孫公 諱紹武

吳公 諱二陽

胡公 諱驥

龔公 諱作梅

胡公 諱貢之

趙公 諱昶

趙公 諱翊 以上忠

傅公 諱鴻勳

劉公 諱淳

于公 諱鶴齡  
楊公 諱廷恩

劉公 諱民祿  
田公 諱腴

彭公 諱修內  
劉公 諱仲式

王公 諱衍祚  
王公 諱汝進

陳公

諱第以  
上孝孫公

諱璉

何公

諱落昇

宋公

諱朝銀

沈公

諱九成

趙公

諱益

葛公

諱永

羅公

諱迥都  
以上義

皇清雷公

諱顯宗  
孝義

節孝祠

漢陳孝婦

宋陳烈婦

元節婦馬左氏

明烈婦劉崔氏

烈婦謝彭氏

烈婦齊劉氏

烈婦郭馬氏

烈婦崔周氏

烈婦崔張氏

烈婦崔丁氏

烈婦單三姐

烈婦劉魏氏

烈婦蕭孫氏 孝婦萬孫氏 烈女盧溫柔

烈女翟粉兒 烈婦王張氏 烈婦徐蔡氏

孝婦王蔡氏 烈婦姚凌氏 孝婦焦姜氏

孝婦喬王氏 烈婦宋羅氏 烈婦張季氏

孝婦張劉氏 孝婦崔姜氏 烈婦徐袁氏

烈婦謝魏氏 烈婦胡高氏 烈婦宋張氏

烈婦王寶氏 烈婦杜董氏 烈婦馬王氏

烈婦辛武氏 烈婦朱魏氏 烈婦劉張氏

烈婦何馬氏 烈婦吳季氏 烈婦于段氏

封恭人烈婦于劉氏 烈婦丁白氏

節婦于蔡氏 節婦王趙氏 節婦李李氏

節婦齊崔氏 節婦崔徐氏 節婦崔周氏

節婦朱高氏 節婦李丁氏 節婦丁李氏

節婦張王氏

皇清節婦高李氏 節婦徐于氏 節婦吳高氏

節婦劉田氏 節孝焦李氏 節婦吳丁氏

烈婦季王氏 節婦劉齊氏 烈婦楊張氏

節婦劉趙氏 烈婦丁陳氏 烈女劉大姑

節婦劉李氏 節婦錢于氏

太康縣名宦祠



宋吳公

諱擇仁

明應公

諱百和

崔公

諱壽傳有崔敬  
無崔壽疑誤

王公

諱珣

方公

諱亨

張公

諱冲

劉公

諱馥

韓公

諱崇福

徐公

諱大經

雷公

諱沛

孫公

諱維城

張公

諱國士

國朝李公

諱應祖

朱公

諱昌祚

佟公

諱鳳彩

鄉賢祠

漢黃公

諱霸

彭公

諱宣

晉何公

諱會

袁公

諱瓌

袁公

諱喬

袁公

諱宏

謝公

諱安

謝公

諱立

謝公

諱尚

袁公

諱淑

袁公

諱粲

唐韓公

諱弘

韓公

諱京

劉公

諱立佐

宋沈公

諱倫

元韓公

諱克昌

韓公

諱元善

王公

諱元佐

明王公

諱鈍

韓公

諱鐸

傅公

諱安

顧公

諱佐

王公

諱淪

郭公

諱濟

郭公

諱緒

韓公

諱禹

安公

諱仁

師公

諱存智

王公

諱朝賢

秦公

諱尙明

郭公

諱顯忠

張公

諱修德

曾公

諱省信

皇清許公

諱重華

耿公

諱於夔

耿公

諱煜

王公

諱永隆

耿公

諱帝德

劉公

諱心乾

楊公

諱遠

張公

諱維世

馮公

諱貞吉

忠義孝弟祠

柳公諱同春

節孝祠

范烈女

呂烈女

烈婦劉吳氏

烈婦楊李氏

節婦劉趙氏

烈婦柳安氏

節婦丁魏氏

節孝王蔣氏

節婦楊耿氏

節婦王張氏

烈婦李馬氏

節孝王張氏

烈婦張高氏

扶溝縣名宦祠

宋程公

諱顥

金王公

諱浩

明張公

諱遵道

馬公

諱文淵

韓公

諱璟

陳公

諱紀

胡公

諱宣

李公

諱誦

吳公

諱大田

王公

諱廷華

黃公

諱紳

趙公

諱輔

楊公

諱瞻

陳公

諱輅

王公

諱喬年

胡公

諱伯涵

黃公

諱芬

管公

諱應鳳

馮公

諱盛明

王公

諱大用

全公

諱良範

歐陽公

諱照

皇清朱公

諱昌祚

張公

諱九徵

李公

諱廕祖

佟公

諱鳳彩

鄉賢祠

漢郭公

諱禧

元馮公

諱夢弼

馮公

諱夢周

潘公

諱炎

明劉公

諱原弼

焦公

諱承固

楊公

諱鼎

高公

諱鵬

嚴公 諱憲

羅公 諱贊

李公 諱夢陽

羅公 諱玳

何公 諱岩

曹公 諱嘉

杜公 諱紹

劉公 諱瑞

劉公 諱東

劉公 諱東

李公 諱玩

劉公 諱自修

何公 諱岑

劉公 諱自強

何公 諱出光

王公 諱格

何公 諱出圖

杜公 諱化中

杜公 諱津

郝公 諱維喬

盧公 諱傳元

劉公 諱懋武

羅公 諱俊

羅公 諱珥

張公 諱凱

劉公 諱自存

李公 諱如松

王公 諱真卿

盧公 諱傳姓

皇清杜公

諱俊彥

杜公

諱之昂

張公

諱桐叟

忠義孝弟祠

元潘公

諱炎  
忠義

明劉公

諱原弼  
忠義

王公

諱格  
字友

郝公

諱維康

桑公

諱廷恩

齊公

諱圭

周公

諱齊以  
上義行

節孝祠

明節婦劉張氏

節婦周翟氏

節婦呂王氏

節婦張高氏

烈婦王劉氏

節婦劉王氏

節孝郝高氏

皇清節孝姜杜氏

節孝何盧氏

節孝楊邵氏

節孝杜劉氏

節孝盧牛氏

節孝張盧氏

節孝聶杜氏

節孝杜劉氏

節孝杜劉氏

節孝崔劉氏 節孝翟陳氏 節孝聶郭氏

節孝郝范氏 節孝盧馬氏 節孝聶楊氏

節孝盧梁氏 節孝張胡氏 節孝郭寇氏

節孝郝杜氏 節孝張趙氏 節孝史朱氏

節孝陳弋氏 節孝張聶氏 節孝路盧氏

節孝李鄭氏 節孝李董氏 節孝張何氏

節孝郭林氏 節孝齊熊氏 節孝郝王氏

節孝郝簿氏 節孝郝劉氏 節孝孫劉氏

節孝郝高氏 節孝盧谷氏 節孝張蔡氏

節孝李陳氏 節孝邢郝氏 節孝郭盧氏

節孝徐王氏 節孝盧李氏 節孝張郝氏

節孝王盧氏 節孝盧寇氏 節孝賈楊氏

節孝王凌氏 節孝王楊氏 節孝李王氏

節孝路溫氏 烈女李氏

西華縣名宦祠

明吳公

諱文郁

羅公

諱睿

陳公

諱嘉謨

楊公

諱鳳

李公

諱璫

劉公

諱文瑞

史公

諱衢

謝公

諱殿

尉公

諱在廷

屈公

諱煒

劉公

諱伯駱

鄉賢祠

明李公

諱澄

王公

諱敬民

胡公

諱嘉棟

王公

諱省身



王公

諱所夢

胡公

諱嘉桂

張公

諱善政

皇清王公

諱鼎鐘

王公

諱遵訓

忠義孝弟祠

劉

殷公

諱孝祖

宋

忠義

蕭

殷公

諱不害

殷公

諱不佞  
以上孝

元張公

諱厚家

明馬公

諱呈瑞

何公

諱宏

張公

諱貴以  
上義行

節孝祠

明節婦胡殷氏

烈婦龔謝氏

烈女朱高氏

烈婦尹

徐氏

節婦齊朱氏

皇清節孝胡朱氏 節孝胡于氏 節孝李徐氏

節孝金祁氏 節孝金紀氏 節孝金張氏

烈婦李劉氏

商水縣名宦祠

宋高公

諱若訥

明龐公

諱燠

劉公

諱漢

孫公

諱元仁

楊公

諱廉

姚公

諱文衡 傳  
詳忠義

皇清李公

諱廕祖

朱公

諱昌祚

張公

諱九徵

鄉賢祠

宋張公

諱輅

姚公

諱仲孫

謝公

諱方直

王公

諱溢

華公 諱能

王公 諱相

忠義孝弟祠

明張公 諱質

劉公 諱嘉胤

王公 諱應登

王公 諱化行

姚公 諱文衡

姚公長子 名失

姚公次子 名失

張公 諱漢

李公 諱之萼

高公 諱思忠

傅公 諱嘉言

以上殉難

張公 諱景昭

郭公 諱峻極

董公 諱正誼

以上孝義

皇清李公 諱震晁

孝義

節孝祠

明烈婦王黃氏

烈婦張金氏

節婦李王氏

節婦傅趙氏

烈婦王邢氏

烈婦李高氏

節婦郭紀氏

皇清烈婦李李氏

烈女婁二姐

烈婦王郭氏

烈婦高吳氏

項城縣名宦祠

漢雷公

諱義

魏賈公

諱遠

明黃公

諱福

彭公

諱仲恭

宋公

諱麟

趙公

諱思忠

戚公

諱袞

魏公

諱勳

方公

諱棟

皇清朱公

諱昌祚

李公

諱廕祖

鄉賢祠

周陳公 諱亢

漢應公 諱曜

應公 諱順

應公 諱奉

蔡公 諱立

蔡公 諱衍

劉公 諱珩

應公 諱劬

魏應公 諱瑒

應公 諱璩

吳程公 諱秉

晉應公 諱貞  
應公 諱詹

蕭梁周公 諱興嗣

魏李公 諱崇  
袁公 諱翻

袁公 諱曜  
袁公 諱幸修

宋喬公 諱惟岳

明劉公 諱達  
張公 諱日昇  
張公 諱遇  
任公 諱繼祖

婁公

諱志德

閻公

諱廷梓

趙公

諱宗昉

束公

諱存敬

明傅公

諱宗龍忠義專祠

忠義孝弟祠

漢劉公

諱平按劉平傳稱彭城人不識何據入項邑忠義祠已將原傳刪去姑存祠名以俟考云

應公

諱順以上孝

晉應公

諱詹孝子

南北朝荀公

諱匠子按傳稱匠穎陰人考穎陰另穎故縣非項邑也故傳亦刪去

宋常公

諱真孝子

明石公

諱世宦

程公

諱雲鵬

李公

諱鑑

黃公

諱養正

李公

諱武

滕公

諱朝銀

李公

諱克實

束公

諱延

韓公

諱光祖

馮公

諱時化

蔡公

諱倫以上孝

節孝祠

唐楊烈婦

明節婦趙李氏

節婦郭楊氏

烈女王高氏

烈婦游胡氏

烈婦郭張氏

烈婦戚馮氏

皇清烈婦李聶氏

節婦石崔氏

節孝衛張氏

節婦衛閻氏

節孝張閻氏

烈女申氏

烈婦張馮氏

沈邱縣名宦祠

明李公

諱琳

孫公

諱誠

李公

諱宗元

羅公

諱鳳翔

馬公

諱思齊

宗公

諱五經

宗公

諱存德

劉公

諱世光

高公 諱毓秀 宗公 諱修對 黎公 諱玉田 柴公 諱懋掄

皇清劉公 諱允謙

鄉賢祠

漢汝公

諱郁

戴公

諱馮

陳公

諱蕃

許公

諱邵

許公 諱靖

明劉公

諱東

童公

諱誠

楊公

諱鸞

張公

諱明體

童公

諱原蘭

劉公

諱漢儒

孫公

諱守已

盧公

諱璋

盧公

諱紹恩

盧公

諱文鴻

李公

諱如桂

張公

諱才寅

張公

諱接武

李公

諱如霖

楊公

諱訓

皇清王公

諱繼東

李公

諱煥

李公

諱鼎玉

劉公

諱璞



孫公 諱馥

忠義孝弟祠

元季公

諱察罕  
帖木兒

王公

諱擴廓  
帖木兒

邵公

諱敬祖

明孫公

諱連

牛公

諱漢

李公

諱孕嘉

童公

諱琪

普公

諱珣

普公

諱敦化

穆公

諱桂

張公

諱敏

楊公

諱雄

趙公

諱鯤

劉公

諱天啟

崔公

諱可旺

張公

諱柯

劉公

諱養

張公

諱垂紳

皇清張公

諱嚴

張公

諱尋

節孝祠

明烈女張合兒

節婦錢劉氏

節婦趙王氏

節婦陳寶氏

節婦崔普氏

節婦楊安氏

節婦普吳氏

節婦于張氏

節婦王劉氏

節婦彭童氏

節婦張陳氏

節婦劉李氏

烈婦楊董氏

節婦魏普氏

節婦楊吳氏

節婦王蘇氏

節婦吳寶氏

節婦盧段氏

節婦趙張氏

節婦劉韓氏

節婦李江氏

烈婦程時氏

節婦陳劉氏

節婦張張氏

節婦高樊氏

節婦張鄭氏

節婦樊張氏

節婦王施氏

烈女姚長姐

節婦崔王氏

節婦李崔氏

烈婦李王氏

烈婦張劉氏

節婦李李氏

節婦許趙氏

節婦韓韓氏

節婦張劉氏

皇清烈婦柳閻氏

烈女武正姐

節婦于董氏

節婦海解氏

節婦劉閻氏

節婦韓吳氏

節婦劉王氏

節婦趙李氏

烈婦閻劉氏